

A Ubutumwa bw’Imana (Ibyahishuwe 3:14–22):

❖ Isuzuma (imir. 14–17)

- Ubutumwa bugenewe amatorero arindwi bugaragaza uko itorero ku rwego rw’isi ryari rimeze kuva mu gihe cy’intumwa kugeza muri iki gihe (Ibyahishuwe 2–3). Yesu atanga ubutumwa bw’igihe cyacu (Lawodikiya), yigaragaza nk’ “Amen [Ukuri], umuhamywa wo kwizerwa kandi ukiranuka” (Ibyahishuwe 3:14).
- Iyo twirebye tubona **ukuri kwacu**: “Ndi umukire, kandi ndatunganiwe, kandi nta cyo nkeneye” (Ibyahishuwe 3:17a).
- Nyamara Yesu abona **ukuri**, uko turi: “umutindi wo kubabarirwa, umukene n’impumyi ndetse wambaye ubusa” (Ibyahishuwe 3:17b).
- Iki ni igihe cyo kwisuzuma. Ese nzi mu by’ukuri ibyo mfite n’ibyo nkeneye? Ese mu mubano wanjye na Yesu nakuze ku rugero rungana iki? Ese ndimo mpinduka mba muzima?

❖ Umuti (umur. 18)

- **Kubera ko kumva tunyuzwe n’uko tumeze bidutera kutagira icyo twitaho (akazuyazi), Yesu atugira inama yo gukora ibintu bitatu:**
 - (1) *Kugura izahabu yatunganirijwe mu ruganda*. Ntitugomba kwemera ukuri kw’igice cyangwa kwiga Bibiliya amajyejuru. Tugomba kureka inyigisho z’abantu (udukeregeshwa) ahubwo tukimbika mu kwiga Bibiliya kugira ngo dukure inkamba zose (imyanda) mu buryo tuyisobanukirwamo.
 - (2) *Kugura imyenda yera*. Kwemera gukiranuka kwa Yesu nk’inzira yonyine igeza ku gakiza. Kugerageza kwiyereka Imana mu mirimo yacu yo gukiranuka ni ukwigaragaza twambaye ubusa imbere yayo.
 - (3) *Kugura umuti wo gusiga ku mazo*. Kwakira Umwuka Wera. Ni We wenyine ushobora kuduha ubwenge bwo mu bya mwuka no kutwemeza uko turi by’ukuri (Yohana 16:8).

❖ Igisubizo (imir. 19–20)

- Hari ikibazo. Numva meze neza mu bya mwuka, ariko Yesu arashaka ko mpinduka. Nyamara niba ntazi ko nkeneye guhinduka, sinzahinduka. Sinzigera nifuza kugura icyo ntekereza ko mfite.
- Kugira ngo Yesu abikemure, akoresha uburyo bwe bwite: “Abo nkunda bese ndabacyaha kandi nkabahana”; kandi yongeraho ati: “Wihane” (Ibyahishuwe 3:19).
- Igihano cya Yesu no gucyaha kwe ntibivuze ko byanze bikunze ari bibi. Akunda inzira y’ibiganiro. Arashaka kwicarana natwe tukaganira dutuje... “Dore mpagaze ku rugi ndakomanga. Umuntu niyumva ijwi ryanjye agakingura urugi, nzinjira iwe dusangire” (Ibyahishuwe 3:20).
- Yesu arakomanga ku rugi rw’umutima wanjye kandi ategereje yihanganye. Ntarogoya imibereho yanjye ngo ampatire kugirana umubano na We. icyemezo cyo kumukingurira ni icyanjye.

❖ Ingororano (imir. 21–22)

- Yesu azi ko inzira itoroshye. Azi imbaraga zacu zo kugura zahabu, ikanzu, n’umuti wo gusiga ku maso. Azi ingorane zacu zo kunesha kuba akazuyazi, gukingura urugi no kwiyunga na We. Ni yo mpamvu atubwira ati: Ushobora kunesha, nk’uko nanjye nanesheje (Ibyahishuwe 3:21).
- Azi kandi ko tutazigera dutera intambwe ya mbere. Imana ihora ifata iya mbere.
 - (1) Yiyemeje kuturema (Itangiriro 2:7)
 - (2) Iradushaka iyo twacumuye (Itangiriro 3:8–9)
 - (3) Yaritanze kugira ngo idukize (Yohana 3:16)
 - (4) Ishaka kuduha ingororano: kwicarana na Yo, no kwishimira kuba hamwe na Yo iteka ryose (Ibyahishuwe 3:21)
- Urufunguzo rw’iyi mico y’Imana (tudakwiriye) ni urukundo: “Nagukunze urukundo ruhoraho” (Yeremiya 31:3). Ishaka kugirana natwe umubano. Ese nshaka kugirana na Yo umubano? Ese nzayikingurira umutima wanjye maze nyikunde nk’uko inkunda?

B Gusuzuma uko turi nyakuri (Yohana 15:1–11):

❖ Ishami n’umuzabibu

- Mbere gato y’uko Yesu apfa, yavuze ko ari We “muzabibu,” kandi ko abigishwa Be ari “amashami.” Yashakaga kuvuga iki?
- Ishami rishobora kubaho igihe runaka ridadeye ku muzabibu, ariko amaherezo rikuma. Kugira ngo tutabura ubugingo buhoraho, Yesu aratwiringa ati: “Mugume muri jye” (Yohana 15:4). Mu mirongo 11 aho Yesu avuga uyu mugani w’umuzabibu n’amashami, yakoresheje inshinga “kuguma” inshuro 10. Igomba kuba ingingo y’ingenzi cyane.
- Kuguma muri Yesu ni wo muti w’akazuyazi k’i Lawodikiya. Byongeye kandi, ni yo sōko y’ibyishimo (Yohana 5:11). Ariko se twaguma muri Yesu dute?
- Mu gukora ibimuhimbaza, ni ukuvuga mu gukomeza amategeko Ye (Yohana 15:10). Iki kigomba kuba ari igisubizo cy’urukundo ku rukundo Imana yatugararije (1 Yohana 4:19).

❖ Amatembabuzi

- Mu gihe cy’itumba (mu turere tw’isi dukonja cyane), amashami aba afatanye n’umuzabibu, ariko ntiyere imbuto. Kuki? Kuko atabona amatembabuzi.
- Iyo impeshyi igeze, ni bwo gusa aya mashami abona amatembabuzi y’umuzabibu, hanyuma amashami (imishibuka) akavuka. Ijambo ry’Ikigiriki ryakoreshejwe na Yohana rishobora no gusobanura amashami yahanyuwe akazongera guhagikwa ku muzabibu.
- Twaba turi amashami yashibutse cyangwa amashami yahagitswe, hari ikintu kimwe kigaragara: dukeneye amatembabuzi y’umuzabibu. Ni iki twagereranya n’amategeko y’umuzabibu?
- Muri icyo cyigisho (Yohana 14–17), Yesu aduha ubusobanuro: Umwuka Wera ni We ukorera muri twe kugira ngo aduhe ubugingo, iyo tubyifuza.
 - (1) Ni Umufasha wacu (Yohana 14:16–17)
 - (2) Aduhishurira Yesu (Yohana 15:26)
 - (3) Atwemeza icyaha (Yohana 16:8)
 - (4) Atuyobora mu kuri kose (Yohana 16:13)